

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE
na Nacrt Zakona o izmjenama i dopunama Zakona o cestovnom prevozu na području
Tuzlanskog kantona

Sarajevo,
novembar, 2013. godine



Broj: 01-26-7-023-4-I/13
Sarajevo, 13. novembar 2013. godine

Na osnovu člana 25. stav (2) Zakona o konkurenciji („Službeni glasnik BiH“ br. 48/05, 76/07 i 80/09), a na Zahtjev za davanje mišljenja Ministarstva trgovine, turizma i saobraćaja Tuzlanskog kantona, Fra Grge Martića br. 8, 75000 Tuzla, zaprimljenog dana 25. oktobra 2013. godine pod brojem 01-26-7-023-3-I/13, Konkurencijsko vijeće na 71. (sedamdesetprvoj) sjednici održanoj dana 13. novembra 2013. godine, daje

M I Š L J E N J E

Nacrt Zakona o izmjenama i dopunama Zakona o cestovnom prevozu na području Tuzlanskog kantona, usaglašen je sa Zakonom o konkurenciji.

O b r a z l o ž e n j e

Ministarstvo trgovine, turizma i saobraćaja Tuzlanskog kantona, Fra Grge Martića br. 8, 75000 Tuzla (u daljem tekstu: Ministarstvo ili Podnosilac zahtjeva), podnijelo je Zahtjev za davanje mišljenja (u daljem tekstu: Zahtjev) na nacrt Zakona o izmjenama i dopunama Zakona o cestovnom prevozu na području Tuzlanskog kantona o usklađenosti sa Zakonom o konkurenciji.

Konkurencijsko vijeće je ranije, dana 10. oktobra 2013. godine donijelo mišljenje broj: 01-26-7-023-1-I/13, kojim je utvrđeno da nacrt Zakona o izmjenama i dopunama Zakona o cestovnom prevozu na području Tuzlanskog kantona (u daljem tekstu: nacrt Zakona), nije usaglašen sa Zakonom o konkurenciji.

Ministarstvo je postupilo po naprijed navedenom mišljenju i izmijenilo nacrt Zakona tako što se novim članom 21. u cjelosti mijenja sporni član 43. osnovnog Zakona o cestovnom prevozu na području Tuzlanskog kantona („Službene novine Tuzlanskog kantona“, broj 15/11), kojim je regulisan Cjenovnik taksi usluga.

Na ovaj način je omogućeno samostalno formiranje cijena od strane taksi prevoznika, te samim tim spriječen negativan efekat na krajnje potrošače taksi usluge.

U skladu sa naprijed izloženim Konkurencijsko vijeće daje Mišljenje kao u dispozitivu.

Predsjednik

Gordan Raspudić

Dostaviti:

- **Podnosilac zahtjeva**
- **Vlada Tuzlanskog kantona**
- **Skupština Tuzlanskog kantona**
- **u spis predmeta**
- **arhiv Konkurencijskog vijeća**